


7.4. Meahcástallan ja arvosmahttin

Guorahallan lea vuodđuduvvon máhttovuđđui earret eará meahcástallankártemii Deanu ja Unjárgga gielddain, oktavuodáide guoskevaš gielddaiguin. Oktiibuot leat doaibmabidjoguvllus kárten 25 meahcástallanguovllu main árvu rievddada veaháš gitta stuorra árvvu rádjai.

Luonddugeavaheapmi Finnmárkkus lea árbevirolaččat leamaš nannosit čadnon ávkkástallamii ja biebmolassin. Ođđaset áiggis lea meahcci ožžon stuorát rolla meahcástallamii ja arvosmahttima arenan, gos eanet ja eanet olbmot geavahit eatnamiid vásáhuskvalitehtaide ja astoáiggebivdui ja guolásteapmái. Plána- ja čuožáhatguovlu lea ollu geavahuvvon virkkosmahttimii ja meahcástallandoaimmaide, ja erenoamážit Lágesduottar lea hui bivnnuhis guovlu fuođđo- ja smávvafođđobivdui, jávrebivdui, murjemii, beanavuodjimii ja mátkkošteapmái, geassit ja dálvit. Deanučázádat lea maid čuožáhatguovllus. Deatnu lea okta máilmmi stuorámus čázádagain Atlántalaš luosain ja lea geasuheaddjin sihke turistaguolásteddjiide ja lustabivdiide, geat oggot dáppe juohke jagi. Meahcis leat skohter- ja bievlavuodjinluottat mat leat dehálaš johtolagat gitta Lágesduoddarii ja guovlluide Deanuleagi oarjjabealde (geahča kárta dás vuolábealde).



Samiske stedsnavn brukes på kart (som bare er på norsk):

Tana- Deatnu

Polmak-Buolbmát

Ifjordfjellet-Idjavuonduottar

Ifjord-Idjavuotna

Vestertana-Deanodat

Austertana-Juovlavuotna

Adamsfjorddalen-Áttánleahki

Smalfjord-Ráttovuotna

Govus 33: Bajilgovva bievlavuodjin- ja skohterluottat gaskal oarjjabeale Lágesduoddara ja nuorttabeale Vuonnabađa. Kárta vižžojuvvon meahcástallan fágaraporttas.

Čielggadusat čujuhit dasa ahte stuorát stivledimenšuvnnat ja ođđa jođasspáitu 132 kV jođđasiid guora sáhttet buktit negatiiva váikkuhusaid nu go earret eará hedjonahttit vásáhuskvalitehtaid dainna lágiin ahte geasuheapmi ja visuála váikkuhus unnu. Dattetge árvvoštallojuvvo ahte guovlluid geavaheapmi ii gáržžiduvvo.

Guvlui nuorttabealde árvvoštallojuvvo ohccojuvvon stašuvdna Sáttováris buoret čoavddusin go árvvoštallojuvvon molssaeaktu A, dan sivas go ii nu garrasit váikkut lagašguvlui/mátkkoštanguvlui Rovvejávri birra, go juolluduvvo oanehit 132 kV jođas. Árvvoštallojuvvo ahte stašuvnna huksen Sáttovárrái ráddjejuvvo visuálalaččat eanas astoáigeviesuide Rovvejávri bartaguovllus. Guktot stašuvnnat leat goitge oidnosis lagasguovllu vázzinbálgáin, earret eará gitta Stuorrastivrranii (203 mmb.) mii sáhtta dagahit ahte geasuheapmi geahppána oalle láhkai visuálalaččat.

Meahcástallandoaimmaide lea buorre go 220 kV linjá gaikojuvvo, danne go dat dagahivččii ahte guovlu gaskal Sáttovári ja Vuonnabađa šaddá eanet geasuheaddjin bartaássiide ja vázziide.

Čielggadeamis čujuhuvvo dasa ahte árvvoštallojuvvon molssaeaktu ásahit ođđa stašuvnna oarjjabealde Deanu lea heajumus, erenoamážit go leat ođđa rasttildeamit Deanus (220 kV jođas Suomas rasttilda Deanu máttabealde Skiippagura). Meahcásteapmi lea oktiisajustuvvon Vuonnabađas árvvoštallojuvvon buoremus čoavddus go čohkke teknikalaš lossa duohtademiid.

Huksehusáigodagas sáhtta ráhkadusmašiinnaid, erenoamážit helikopteriid riedja muosehuhttit meahcástallama, bivddu ja guolásteami. Statnett pláne bidjat stuorámuš oasi rusttetdoaimmas mii guoská jođđasiid huksemii dálvvebeallái, ja dainna ii geavat nu ollu helikopteriid go dat mii lea dábálaš. Dehálaš váidudeaddji doaimbidju lea juohkit dieđuid geavaheddjiide ráhkadusbargguid birra, áinnas mediaid dahje eará kanálaid bokte.